



Norðurþing

Ketilsbraut 7-9 640 Húsavík sími 464-6100 nordurthing@nordurthing.is

Atvinnuvega- og nýsköpunarráðun

Skúlagötu 4
150 Reykjavík

Húsavík, 13. janúar 2020
nr. erindis 202001041

Á 312. fundi byggðarráðs Norðurþings sem haldinn var þann 9. janúar sl. var neðangreint erindi tekið fyrir.

Reglugerð um hrognkelsaveiðar 2020.

Eftir umræður um málið fól byggðarráð sveitarstjóra að undirbúa umsögn til innsendingar fyrir 15. janúar og fer umsögnin hér á eftir:

Byggðarráð Norðurþings lýsir yfir áhyggjum af þeim áhrifum sem ný reglulegerð um hrognkelsaveiðar kann að hafa á atvinnugreinina. Í fyrsta lagi er rétt að lýsa yfir vonbrigðum með þá tillögu ráðherra að ætla að fækka heildarfjölda heimilaðra neta hvers báts um helming, sem gerir það að verkum að forsendur eru nokk brostnar fyrir því að margar útgerðir séu með tvo sjómenn um borð á báti. Sú tillaga ofan í þá ákvörðun að ætla að færa veiðitímabilið framar, eða til 1. mars hlýtur að auka áhættu á því að sjómenn stofni sér í hættu. Það má leiða að því líkum að reglugerðin muni væntanlega fjölga vitjunum um netin, sem þýðir meiri olíukostnað sem stuðlar ekki að umhverfisvænni veiðum. Sú ákvörðun að færa veiðitímabilið framar inn í lok vetrar þýðir t.a.m. að auknar líkur eru á að hrogn grásleppunnar hafa ekki náð fullum þroska þegar veiðar hefjast, sem getur aftur dregið úr verðmæti aflans sem sóttur er. Byggðarráð Norðurþings leggur einnig til að gefinn verði rýmri umsóknarfrestur um leyfi til veiðanna þannig að veðurfar verði ekki til þess að útgerðaraðilar missi daga til veiðanna ef það reynist illviðrasamt á upphafsdegi veiða hvers og eins, sem ákveðinn var mörgum vikum fyrr.

Skorað er á ráðherra að endurskoða ákvæði um fjölda neta, fyrirhugaða breytingu á veiðitímabilinu og að umsóknir þurfi að berast þetta löngu fyrir upphafsdag veiða hvernar útgerðar, ellegar færi betri rök fyrir þessum tillögum sem fyrirséð er að geti haft neikvæðar afleiðingar fyrir smærri byggðarlög sérstaklega.

Þessi afgreiðsla byggðarráðs tilkynnist hér með.

Virðingarfyllt,
f.h. byggðarráðs Norðurþings

Kristján Þór Magnússon
Sveitarstjóri
Norðurþing - Húsavík